

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը, զբաղեցրած պաշտոնը.

Ստեփան Մկրտչյան, ՀՀ ֆինանսների նախարարության պետական պարտքի կառավարման վարչության գործառնական բաժնի գլխավոր մասնագետ.

2. Գործուղման վայրը և ժամկետները.

Ք. Վիեննա (Ավստրիայի Հանրապետություն), 2023 թվականի հուլիսի 10-ից մինչև հուլիսի 21-ը:

3. Հրավիրող կողմը.

Արժույթի միջազգայի հիմնադրամ, Վիեննայի միացյալ ինստիտուտ

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

«Հարկաբյուջետային կայունություն» («Fiscal Sustainability») թեմայով դասընթացի նպատակն էր ներկայացնել հարկաբյուջետային կայունության կարևորությունը մակրոտնտեսական կայության և տնտեսական աճի համար, հարկաբյուջետային կայունության վերլուծության մեջ կիրառվող հասկացությունները և գործիքները, ծանոթացնել և կիրառել պետական պարտքի դինամիկայի և պարտքի կայունության գործիքները, քննարկել կլիմայի փոփոխության հետ կապված ռիսկերը ֆիսկալ կայունության կոնտեքստում:

5. Քննարկված թեմաները.

- 1) ընթացիկ հարկաբյուջետային կայունության մարտահրավերներ,
- 2) պետական պարտքի դինամիկայի նկարագրությունը և կապը մակրո շրջանակի հետ,
- 3) պարտք/ՀՆԱ հարաբերակցության կանխատեսումներ,

- 4) պետական պարտքի թիրախին հասնելու համար հարկաբյուջետային ճշգրտման ուղիներ,
- 5) պետական պարտքի դինամիկայի ելակետային սթրես-թեստեր,
- 6) երկարաժամկետ հարկաբյուջետային ճնշումներ՝ կենսաթոշակային, առողջապահության և կրթության ոլորտներում,
- 7) պարտքի կայունության և բեռի ցուցանիշներ,
- 8) հարկաբյուջետային ռիսկեր, ճգնաժամեր և ճգրտումներ,
- 9) կլիմայի փոփոխություն և հարկաբյուջետային խոցելիություններ,
- 10) կլիմայական ռիսկերի կառավարումը հարկաբյուջետային կայունության համատեքստում,
- 11) պետական պարտքի դինամիկա և գնաճ.

6. Հանդիպումները, ելույթները, բարձրացված կամ քննարկված հարցերը.

Դասընթացին ներկա են գտնվել թվով 18 երկրներից 30 մասնակիցներ: Այն մեկնարկել է յուրաքանչյուր մասնակցի կողմից իր երկրի «Հարկաբյուջետային կայունություն» թեմայով շնորհանդեսի ներկայացմամբ: Երկշաբաթյա դասընթացն իրականացվել է գործնական խմբային աշխատանքների, քննարկումների, բանավեճերի տեսքով, որոնց ընթացքում պարզաբանվել են հարկաբյուջետային կայունության կարևորությունը մակրոտնտեսական կայունության և կայուն աճի տեսանկյունից, հարկաբյուջետային խոցելիությունները՝ տարբերակելով կարճաժամկետ և երկարաժամկետ ռիսկերը, ճգնաժամերը և հարկաբյուջետային ճշգրտման դեպքերը, ինչպես նաև պարտքի կայունության վերլուծության շրջանակները JVI տարածաշրջանի մի շարք երկրների օրինակի հիման վրա:

Ներկայացված դասախոսությունների հիման վրա դասընթացի ավարտին մասնակիցների առանձին խմբերի կողմից իրականացվել են ընտրված երկրների պետական պարտքի վերաբերյալ կանխատեսումներ՝ պարտքի կայունության վերլուծության գործիքի հիման վրա:

Ընդհանուր առմամբ, դասընթացը բավականին հետաքրքիր էր՝ հագեցած գործնական վերլուծական աշխատանքներով և դրանց առնչվող տեղեկատվությամբ:


7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Դասընթացի ընթացքում որևէ որոշումների ընդունում կամ փաստաթղթի ստորագրում նախատեսված չէր:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Առաջարկություններ չկան:

Ստորագրությունը, ամսաթիվը



25.07.2023թ.